

Protocol no. 28
Sezzüda da lündeschdi, 6 avuost 2012, 20.00 – 23.30

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Angelo Andina (protocol)

Protocol

Il protocol no. 27 da la sezzüda dals 26 lügl 2012 vain approvà.

209 02 ADMINISTRAZIUN
Saramentaziun da l'actuar ad hoc

L'actuar suotsegnand vain saramantà per seis ingaschamaint d'ürant il temp dals 01.08.2012 fin als 31.10.2012. La saramantaziun succeda tenor il reglamaint da cuvits e cun dar il man al capo.

Protocol

Il protocol no. 27 da la sezzüda dals 26 lügl 2012 vain approvà, quai davo cha las tractandas no. 203 (elecziun dal manader da gestiuns tecnicas) e 204 (Swissroof) vegnan agiuntas cun ün pèr completaziuns.

210 021 FABRICA
Johann Martin Taverna, Parkegi Saranschasch

Construcziun d'üna palanca sün fundamainta da lain e rinvestida cun assas sco ulteriura piazza da parcar per la chasa Sala 242. La dumonda d'eira publichada dals 11.07.2012 fin als 31.07.2012. In permiss vain concess.

211 021 FABRICA
Curdin Horber, tablà Funtana da Curtin

Annunzcha da fabrica: Sbassar il tet per 150 cm e refar il stabilimaint chi ha pati suot ils vents da prümavaira. Ingün proceder per fabricas dadour la zona. La taxa importa fr. 50.00

212 805 MEGLIORAZIUN
Posiziun regard la desditta dal president da la cumischiun da miglioraziun, Men Luppi

Sco annunzchà fingià in radunanza cumünala ha Men Luppi demischiunà als 22 lügl 2012 sia plaiv sco president da la cumischiun da miglioraziun. Il cussagl ha tut cogniziun da la decisiun. Il geometer respunsabel Jörg Kindschi ha tut posiziun e renda attent sün l'importanza, cha impustüt il scumpart final dals cuosts possa gnir serrà gio bainbod. Il Cussagl ha eir tut cogniziun d'üna notizcha d'actas, concernant üna sezzüda cha'l capo ha gnü cul schef da l'uffizi chantunal, Aurelio Casanova a Cuoira.

Per garantir il funcziunar futur da la cumischiun da miglioraziun, dess uossa il vice-president Jon Carl Rauch surtour la respunsabilità e las actas, insembel cun seis collegas da la cumischiun. Pel scumpart dals cuosts es respunsabla la cumischiun da stima.

Il Cussagl accepta la decisiun da sar Men, ma quella displascha e perquai vain el invidà, da reponderar la demischiun o da's metter a disposiziun extraufficial per reglar il scumpart final dals cuosts restants.

213 620 VIAS E PLAZZAS
Plazzas da parcar da la ditta Taxi Guler

Als 13 avrigl 2012 ha la dita Guler Taxi inoltrà üna dumonda, per pudair tour a fit duos plazzas da parcar sü Flüs d'ürant tuot l'on. sar Andri motivescha sia dumonda cul argumaint, cha *“causa rigurusas controllas da la pulizia chantunala a regard uras da lavur ston esser staziunats duos autos d'affar a Sent. Be uschè possa la dita garantir da tgnair aint las pretaisas da la concessiun A a Sent.”* Il Cussagl cumünal as vaiva fingià plü bod fatschendà cun quist affar e decis als 17.05.2011, da na conceder ün permiss d'ürant la stà cul argumaint, ... *“cha la piazza da parcar es dadour la zona da fabrica e cha'l cumün nu po perquai fittar quella piazza sco parkegi uffizial”*. Uossa decida il Cussagl, da fittar a la dita Guler Taxi las duos plazzas sü Flüs e da desister da la piazza da parcar in Plaz. Quai davo cha'l capo ha scleri cun l'uffizi chantunal respunsabel, scha quai saja pussibel.

214 830 TURISSEM
Offertas respectiv surdattas progets da punts Sinestra-Zuort e senda Sesvenna-Fenga

La radunanza cumünala es gnüda orientada als 04.07.2012 sur da progets per sanar las punts penduossas Val Sinestra e la senda dal Quar resp. la seperaziun da la senda per peduns e bikers sur il cuolmen Fenga (vair protocol no. 3/2012).

Il cussagl decida avant co surdar las lavurs, da scriver e dumondar al cumün da Ramosch, scha quel füss pront da's participar vi dals cuosts.

215 650 DIVERSAS SCHEFS
Plan da quartier Fora da Büz e zona per glied indigena Flüs

Plan da quartier Fora da Büz:

Las proprietarias e'ls proprietaris vegnan uossa invidats in scrit ad üna sezzüda per reglar ils detagls dal plan.

zona d'abitar per glied indigena Flüs

Las proprietarias e'ls proprietaris da las parcelas pertoccas vegnan uossa invidats da declerar lur prontezza, da vender üna part da lur parcella.

l'actuar ad hoc:



